

1 ואם-לא תשמעו, לי; ולא תעשו, את כל-המצוות האלה. **ואם-בחקתי תמאסו, ואם את-משפטי תגעל**
2 **נפשכם,** לבלתי עשות את-כל-מצותי, להפרכם את-בריתי. אף-אני אעשה-ואת לכם, והפקדתי עליכם
3 בהלה את-השחפת ואת-הקדחת, מכלות עינים, ומדיבת נפש; וזרעתם לריק וזרעכם, ואכלהו איביכם. **ונתתי**
4 **פני בכם,** ונגפתם לפני איביכם; ורדו בכם שנאיכם, ונסתם ואין-רדף אתכם.

5 ואם-עד-אלה--לא תשמעו, לי: ויספתי ליסרה אתכם, **שבע על-חטאתיכם.** ושברתי, את-גאון עונכם;
6 ונתתי את-שמכם בברזל, ואת-ארצכם בנחשה. ותם לריק, כחכם; ולא-תתן ארצכם, את-יבולה, ועץ
7 הארץ, לא יתן פרו.

8 ואם-**תלכו עמי קרי,** ולא תאבו לשמע לי--ויספתי עליכם מכה, **שבע כחטאתיכם.** והשלחתי בכם את-חית
9 השדה, ושבלה אתכם, והכריתה את-בהמתכם, והמעיטה אתכם; ונשמו, דרכיכם.

10 ואם-באלה--לא תוסרו, לי; **והלכתם עמי, קרי. והלכתי אף-אני עמכם, בקרי;** והייתי אתכם גם-אני,
11 **שבע על-חטאתיכם.** והבאתי עליכם חרב, נקמת נקם-בריתי, ונאספתם, אל-עריכם; ושלחתי דבר בתוככם,
12 ונתתם ביד-אויב. בשברי לכם, מטה-לחם, ואפו עשר נשים לחמכם בתנור אחד, והשיבו לחמכם במשקל;
13 ואכלתם, ולא תשבעו. (ס)

14 ואם-בזאת--לא תשמעו, לי; **והלכתם עמי, בקרי. והלכתי עמכם, בחמת-קרי;** ויסרתי אתכם אף-אני,
15 **שבע על-חטאתיכם.** ואכלתם, בשר בניכם; ובשר בנותיכם, תאכלו. והשמדתי את-במתיכם, והכרתי את-
16 חמניכם, ונתתי את-פגריכם, על-פגרי גלולייכם; וגעלה נפשי, אתכם. ונתתי את-עריכם חרבה, והשמותי
17 את-מקדשיכם; ולא ארית, בריח נחחכם. והשמתי אני, את-הארץ; ושממו עליה איביכם, הישבים בה.
18 ואתכם אזרה בגוים, והריקתי אחריכם חרב; והיתה ארצכם שממה, ועריכם יהיו חרבה.

19 **אז תרצה הארץ את-שבתתיה, כל ימי השמה, ואתם, בארץ איביכם; אז תשבת הארץ, והרצת את-**
20 **שבתתיה. כל ימי השמה, תשבת, את אשר לא-שבתה בשבתתיכם, בשבתתכם עליה.**

21 והנשארים בכם--והבאתי מרדף בלבכם, בארצת איביהם; ורדף אתם, קול עלה נדף, ונסו מנסת-חרב ונפלו,
22 ואין רדף. וכשלו איש-באחיו כמפני-חרב, ורדף אין; ולא-תהיה לכם תקומה, לפני איביכם. ואבדתם,
23 בגוים; ואכלה אתכם, ארץ איביכם. והנשארים בכם, ימקו בעונם, בארצת, איביכם; ואף בעונת אבתם, אתם
24 ימקו. והתודו את-עונם ואת-עון אבתם, במעלם אשר מעלו-בי, ואף, אשר-**הלכו עמי בקרי.** אף-אני,
25 **אלד עמם בקרי,** והבאתי אתם, בארץ איביהם; או-אז יכנע, לבכם הערל, ואז, ירצו את-עונם. וזכרתי,
26 את-בריתי יעקוב; ואף את-בריתי יצחק ואף את-בריתי אברהם, אזכר--והארץ אזכר. **והארץ תעזוב מהם**
27 **ותרץ את-שבתתיה,** בהשמה מהם, והם, ירצו את-עונם; יעזו וביעזו--**במשפטי מאסו, ואת-חקתי געלה**
28 **נפשם.**

29 ואף-גם-זאת בהיותם בארץ איביהם, לא-מאסתים ולא-געלתים לבלתם--להפר בריתי, אתם: כי אני ה',
30 אלקיהם. וזכרתי להם, ברית ראשנים: אשר הוצאתי-אתם מארץ מצרים לעיני הגוים, להיות להם לאלקים--
31 אף-אני ה'.

32 אלה החקים והמשפטים, והתורות, אשר נתן ה', בינו וביני בני ישראל--בהר סיני, ביד-משה.